



03160

少微詩集卷二

國朝
赤漆
子瞻
撰

項元汴 子京 校

園居書事四首

席門閒負郭幽室翳蒿萊
順性增踈放全身處不材
池光明研几蘭氣上琴臺
已覺交游絕貽書懶自裁
閒治漢陰圃都忘機械情
踈篁萌稚筍芳樹列新榮
有好牀塵滿無人逕
草生莫言長寂寞春鳥自成聲

晉簡文視疑
塵鼠跡為嘉

遲日雨初晴盈盈春鳥鳴
書常為晤對琴久謝虧成

項徽集卷之二

一 墨林山堂

化蝶花間夢乘風竹下行
每於畱戀處猶爾未忘情
既出形骸外蕪無禮法讐
文離安自廢空閱得天游
林靜風長息溪平水不流
忘心何所似汎汎一虛舟
聖水僧設茗供餌松花二首

靜坐欲通玄焚香獨晏然
雲霞相映蔚水木共澄鮮
松粉蜂崖蜜茶牙乳竇泉
雖知在人境自覺轉幽偏
窈窕白雲宇猶傳聖水名
踈松落嘉蔭虛谷應清聲
墻短難藏屋山高不礙城
坐令羣動息遂使道心生
夜坐同吳子喬二首

閉戶市聲遠開簾爽氣佳
清談入玄理久坐失形骸

暗蟲時在壁秋草欲盈階歡然一杯酒良慰平生懷
癯形將比鶴臭味復同蘭琴書諧夙好醇酒洽交歡
踈葉秋先得荒雞夜已闌匡時竟何計長歛且休彈
同子喬過儲文耀看荷花二首

荷芰開軒檻溪流抱石堂花如迎賞發葉欲過人長
雅興三杯洽清芬一榻涼請看新雨後何似若耶傍
虛堂秋覺早白日靜偏長杯酒爲清聖蓮花似六郎
山氣蒸雲晦溪聲帶雨涼因歌採蓮曲余意入滄浪
初秋雨後晤馮子自冬言別徂秋遽止相去
三十里間別長會稀若此千里命駕者謂

項少微集卷之一

二

墨林山堂

何兵戈寇盜可知矣

昔別歲云殫浮雲日暮陰今來秋已改芳草雨中深
意氣餘長劍商聲入素琴寧知燈火夜重洽蕙蘭襟
亂後簡友

睽離日月易兵戈道路難瑤華雖可折玉露已方圓
白髮將絲比衰顏把鏡看聞居在城市聊借一枝安
夏日同吳子喬子京弟晤飲冬溪禪房分韻

得窓字

定水不通江靈源自一腔蓮臺分作五琪樹列成雙
風雨開禪榻羲皇寄北窓更飲醞醐酒都令燥思降

過冬溪禪房分身字

項子京

宴息華嚴地幽深隔四隣皓魄流清影涼風掃劫塵
芰荷傾綠蓋蘿薜引花茵水山堪避暑奚患熱中身
同子喬友子京第再過澤上人時秋雨既霽
涼月稍白三杯酣暢一字清涼爾乃披幽

几促薰鑪點翰賦詩陶寫求夕隈山字

支公本愛山坐卧掩重關色相秋巖淨禪心止水閒
薰鑪人靜後幽几月明間應嫌屐齒跡頽踏蘚苔斑
賈汝威罹風露之疾迺子法之匍匐拜禱於

神祠厥明疾有瘳

項穉集卷之二

五

墨林山堂

趨庭方悅憚營藥切憂切拜舞朱宮近瞻依絳節高
宣尼冥禱久姬旦代身勞不學到肌體蚩蚩兒女曹

巧夕風雨過弟子京堂時值白下友人見過

蕭條風雨來何處穿針臺且湛棠棣樂莫向女牛猜
甲煎烹香鼎清泉泚茗杯人生從巧拙良夜共徘徊
再過家弟子京堂待月

城市有林居優游翰墨餘月流間幌白風引八窓虛
茗飲凭烏几爐薰淨道書相看每佳思愛爾惠連如
吳子喬還沙灣簡寄方山人子喬弟

蕭索蒼旻高明月復在斯如何新交歡一旦輕別離

刁斗日夜聞羽書東南馳顧此行路難况復秋氣悲
流水戀故澗飛鳥思南枝莫言百里間相見杳難期
方生秉高尚令弟擅白眉堯野有遺賢安用好爵縻
願勗龍潛德以保夔屈時

虛白齋對月同諸友家弟子京分韻得中字

一室本虛空開窓復瓊瓏閒心向明月拂袂來微風
寒逼瑤爲席光搖雪作宮自能長不夜宛在玉壺中

虛白齋對月二首分來字

子京

彼美清虛室容光見月來無文元道始有象自天開

涼浸水壺水明生玉鏡臺遙知衆興往擬自雪中回

項嶽集卷之二

四

墨林山堂

虛齋明月夜杯茗故人來榻似披雲卧牕如映雪開
歌聲搖玉樹琴韻落瑤臺長夜同清書遨遊未擬回

和虛白齋衣字

明月常在室清風或動扉因游入空閭內照涵光輝
素壁書函淨胡牀香霏微翻疑白雲影時上山人衣

和流字

涼館正宜秋乘虛月變雷瑤花几上落人影水中浮
畫繼明珠照宵辭秉燭遣時昔慰離索三逕得羊求

和光字

瞰瞰中天月清虛白玉房分明一片水奚辨兩重光

竹素披雲歸梨花覆石牀齋心無所事閒坐但焚香
和清字

杯茗淡然情蘭房對月明瓏璵疑玉映晃朗覺寒生
影息心雙寂秋臨夜倍清翫之且怡悅何必嘆虧盈
秋日同戚希仲憩宿海崖僊館

清秋何處散幽襟去郭巖扉帶碧林松菊乍開三逕
賞雲霞長結一溪陰坐中山水調琴曲醉裏笙歌聽
鳥音從此丹竝知不遠月明乘興數相尋

汗漫徒聞出九陔逍遙隨地卽逢萊柳疎斷岸將溪
隔竹靜虛亭爲鶴開明月到牀崖影墮涼風侵幙稻

項禮集卷之一

五 墨林山堂

香來因君假息囊中枕令我邯鄲夢裏回

詠金魚

漣漪清且深囑煦恣浮沉得拍池上珮來聽水邊琴
然藻疑流火披沙似躍金雖沾升斗澤終然江海心
送嚴子行址游

抗手彈冠易別離天長日遠未云疲路連燕薊平如
砥水下清淮疾似馳寒鴈幾羣衝塞起秋蓬千里信
風吹知君亦是悲歌者慷慨行游及爾時

洞庭吳子喬秋時兵亂言別首春抱病來過
夜晤有作往約梅花過洞庭不果

創亂傷離迫暮齡可堪多病鬢星星酒闌更促鐙前
膝夜久翻疑夢裏形同臭幽蘭偏近几向人明月忽
當庭北山已負梅花約爲想移文早勒銘

賦風賦戚希仲山館燕集

永和盛事傳脩楔昭代名賢比竹林花月臨春催進
酒蘭風向暖引鳴琴醉來不覺頽山王賦就還成擲
地金此夕占星何處聚中峯高館五湖陰頽山王儵地金似巧
琢若思頗偶比嚴整不忍捐棄儻會意處更得奇絕者竄易之不然使金玉稱寃也

王蘭始花諸友家弟子京有會併序

王蘭元無本附枝辛夷溫其如王有蘭其

項嶽集卷之二

六 墨林山堂

馨美無之斯名不誣矣二三素交同茲

雅尚觸物興懷既觴以詠

既能標玉質無得擅蘭名芳芬元自異枝幹託相成
向月如無影臨風似有情何人諧素尚歲事任枯榮
詠王蘭分英字
項子京

雨中簡子喬時抱病寄寓冬溪禪房

中散本餐霞間情病亦嘉孤雲無定跡芳草不思家
吟裏聞清梵行邊踏落花看君增放曠脫復誦南華

春夜戚希仲吳子喬席上聽琴

臨觴歡不足徒席命瑤琴憐此陽春夕聞君白雪音
蘭草露盈砌梅花風滿林寄言賞心者勿使浹沾襟

禪居海棠

寂寂深房櫳輝燦春花叢却疑天上墮忽滿枝間紅
雨浥臙脂潤風迴綵豔重斲看諸色相併是一虛空
過子喬邸夜飲得方山人書山人先子喬出

洞庭期過我且餉以嘉橘子喬既至而方
山人尚在山書來云醫藥事濡滯頗恠其

久逃玄曠未謝聲名往荅斯作聊致嘲讓

瓊嶽集卷之二

七 墨林山堂

靜念學禪叅棲真對佛龕飲君如酒德覺我自成酣
閔子無茹菜周生雅笑談相歡違游侶徑復達空函

太原周黨過閔損但
舍故飲水無菜茹也

舊約看
梅洞庭
橋李春風晚洞庭書問逢橋穎長相憶梅花空復期
抗足百層島盪胸千頃陂如何守藥價猶使

世人知

同戚希仲宿真如晚起作蓋希仲舊讀書處
偶同靜寂唯心賞遇可淹留每坐忘幾樹踈煙秋色
曙一屏新雨翠文涼風窓欲寤聞鈴語林薄初喧覺
鳥翔一自繡經靈運後更無人到白雲房

春陰牡丹較遲寄言相趣

纔道春來春又回
花遲春促兩徘徊
含情苦意如相待
拂檻依欄故未開
風晚更休催羯鼓
雨朝先爲洗粧臺
若何博取千金笑
來勸當年九醞杯

新溪月汎

日暮涼風生容與
桂舟輕水流一片
白月照兩邊明
浮影如可即清光
攬不盈翻疑乘夜
雪却在剡溪行
能仁寺觀音閣晚眺

晴日旃檀閣秋風
鷓鴣林蓮華搖海
色松檜落潮音
變幻皆形相空虛
本道心無能竟超
脫聊爾一憑臨

項嶽集卷之二

墨林山堂

十四夜月

夜靜月幾望氣涼
秋欲平且用聊存
晦還餘不盡明
爲壁微含點寫鏡
未全成方將從受
益因以戒持盈

錢大行令祁門轉秋曹賦此贈別

才名繫志少年人
展驥乘時墨綬新
太史日邊雙鳥影
河陽衣上百花塵
天垂刑典開明象
地肅秋曹重法臣
正是哀矜勤帝問
願將明允贊堯仁

雨後友人見過

荒蘚凝塵倦掃除
秋來長日滿床書
一溪宿雨荷衣薄
八月涼風木葉疎
閒習五禽爲伎戲
坐銷羣妄得

玄虛唯君忽枉山中駕把茗清談慰索居

鄭子以詩見贈無致佳梨追荅鄭子隱居洞

庭西山角里即用綺隱處

昔賢懷角里之子嗣西山彈欵憂時出

鄭子往應浮單門辟

槎度海還

鄭子游海上自姑孰太倉抵定海往反數百里

雲霧明列島水氣

蕭澄灣

西山有銷夏灣筆研有餘暇石上弄潺湲

客來洞庭時雙函於我遺既有瓊瑤牘兼致玄光梨

梨將慰饑渴詩用畱相思何以持報贈明月照蘭卮

再贈鄭子蓋前詩意未盡

知君湖海士俠烈未能除好挾干時策

鄭子有海防干篋諸策

項嶽集卷之二

九 一 墨稼山堂

羞看種樹書劇咲揮毫處清酣岸曠餘囊中孤劍在

耿耿夜光噓

年少學屠龍一伎成何功日月表敝風塵道路窮

圓梨先露白蠟袖待霜紅爽氣隔山麓言從角里公

贈別鄭子

雨霽揚舲信急流湖明殘月過中秋千層巒嶠樓臺

出萬頃波濤天地浮綺角隱成居跡在子真耕處谷

名畱同心何以堪離索贈爾芳蘭綉珮幽

秋日晤所知傷離念亂席上有贈

虛堂涼爽帶溪流嘉木陰陰晚更幽楊子雅應耽寂

寔稽康近已絕交游崇蘭芳逕風前席新水平橋月下舟興洽杯深休遽返兵戎不見欲三秋

西峽山僧過因念往時游歷寇亂頗仍違會良難嘆慨彌深

南山鬱蒼蒼昔余數游止自經喪亂來邈若沮千里原野多蕭條山色常若爾眷馬勞願望惆悵曷云已足音空谷間寔然滋以喜衣帶紫薇雲西峽名紫薇杯度鴛湖水秋風餐菊英語言發妙理綢繆忘幻象落日迫濠汎

澤公禪房燕集四首

頌嶽集卷之二

十一 墨林山堂

投簪聊末日晤賞復中林龍藏探玄秘名香清道心幽花閒處落芳草靜中深坐晚堪留聽流水自然琴雲撞標法界寶閣出人天為證青蓮果來參白法筵靈光浮水動紫氣蔚霞鮮心賞眷將夕遲遲獨暢然甞稅塵勞鞅回登秘密關天花雙塔外石室五臺間林僻疑無逕雲深似有山請看珠樹鳥薄暮倦飛還詞林當代俊宮綺昔時表龍性聊馴攝蓬心已倦游蒼松知晚歲黃菊待清秋悠然濯纓曲言向碧溪流

再集澤公禪房次和三首

慧遠談經啟法堂陶潛縱嬾愛靈觴江南風候殊多

暖秋盡蕪葭未有霜碧澗歲凝蕊空山寂歷日
偏長嗟余聞道空逢暮酒後猶餘故態狂

棲遲雅尚耽空寂蚤歲辭榮賦遂初廣樂紆回天上
度曇花縹緲日邊踈圓機已証菩提義夙晤曾繙貝
葉書持取醍醐當杯酒一盞虛兀促談餘

晝靜忽聞花外鳥客來重款竹間門旣將秋水臨談
塵更取南山獻酒尊綺閣蓮臺同賞眺碧雲瓊樹幾
攀翻也知阮籍游方外時輩休從禮法論

金橋道中風駛帆急有感作

北風吹浪肅寒威片片輕帆去若飛正是快心乘利
涉何人知向急流歸

項嶽集卷之二

十一 墨林山堂

宿合溪保安禪院四閱歲來游者再兵亂之

後樓殿室宇殆亡其半

竹樹蕭蕭自一洲風塵冉冉昔年游田開沃壤偏遲
穫水到深溪稍合流野酌就花淹秉燭踈籬見月憶
登樓每從岐路聊棲息得附曇摩彼岸舟

再集精嚴禪房

雲霞為世外賢聖即杯中白雪聲相應幽蘭意頗同
開襟灑塵雨披几散花風當知藪澤畔空羨冥冥鴻
寰中探淨域方外得招提樹似蒼龍直臺將碧漢齊

度花恒出梵隔水或聞雞未得揮戈術其如落日西
幽賞唯同侶玄言每共僧促途奔隙驥長累繫鞵鷹
世道交相喪支離日更增誓將歸一念超然無上乘
一任莊生誕唯應惠子知因同本月觀坐使燥心爽
玄豹青山隱祥鸞瑞世儀何須論出處齊物以相期
不見方山人今三年一旦邁止歡焉有作
三年來夢去書頗相憶何如相見真花色迎人如共
笑歡顏借酒自成春琴中獨鶴長因別劍上雙龍會
有神抵掌臨風歌慷慨白頭貧賤一交親

夜過盛澤目瀾洲兼別方山人

項嶽集卷之二

十二

墨林山堂

芳洲宛在碧湖瀕潏湑瀾絕四隣暗裏聞香知有
地影中迷樹杳無津水連天漢浮楂客門掩溪花避
世人共爾深杯須秉燭明朝又是別離新

再宿目瀾洲

知余夙好在林丘一到西林堂兩日留樹裡明湖平

似鏡沙邊踈竹帟成洲篝鐙短榻維摩詰野興孤航

王子猷記取酒酣行樂處板橋幽徑水西頭

再別方山人

萍蹤動是三年別花月相將幾度逢白眼忤人慙阮
籍下牀卧客笑元龍情潦泉酒非云薄夢近吳山不

當重見說洞庭柑正美并題書信帶霜封

席上贈歌者

金屋誰家別貯春妝樓重闌落梅新一番白雪歌中
聽幾度陽臺夢裏人

美酒蓮花暖繡幃主人醉客無庸歸尊前一曲涼州
調三日餘音不斷飛

曉涉穆和溪遵南陽蕩

穆和溪下接南陽一片平波數里長桑柘陰連潛作
屋荻蘆花滿水爲鄉分舟競戲鷓鴣隊隔浦爭諠鷺
鴨行幾處謳謠同擊壤不知何以荅虞唐

項嶽集卷之二

十三

墨林山堂

陰三嘉判吾嘉致政歸嘉州贈此

矯矯獨行辭巧宦冥冥霄漢羨飛鴻蛾眉萬疊岷江
外蜀道三千棧閣中石欄翠迷印竹雨春溪香散海

棠風

國經云嘉州
海棠有香

馮君爲語狂歌者棲隱于今鳳德

同

楚狂按輿名
陸通隱峨山

贈鄒子蕪簡其舅吳子喬

少年南國早知名五十行游宦不成咲裏輕金期俵
烈酣中使氣軋公卿高談傾座雕龍伎一曲當歌白
雪聲嫵婉相看渾似舅春風何限渭陽情

贈孫警菴謁選天曹

漢庭側席正求才孫綽風流衆所推
幾載著成金石賦孤鶩直上鳳凰臺
花宮玉駿鳴珂度天路霓裳奏樂來
羨爾清時方結綬彈冠終日獨徘徊
西窗賦不

奉和日涉園讌集

霞館雲臺各一叢飛橋懸磴遞相通
行看芳草侵衣綠坐惜繁花委迳紅
泉水入池分繞曲石屏漏月正虛中

石有漏月屏者最奇勝

琴尊暇豫多文從選舉憑高御晚

風

一夜穠香散錦屏
綵枝剪綵學難成
風絲度處亭臺迥
魚沫翻來沼沚清
已覺年華催晚暮
共知人事易枯榮
日長最是堪惆悵
新綠叢深聽早鶯

項德集卷之

十四

墨林山堂

同張石川登北郊戍樓

落日長風送酒杯
飛樓層堞倚崔嵬
田疇製錦將花繞
溪水分龍帶雨來
春鳥自閒吳地壘
宵烽不照越王臺
張公自是星槎客
歲歲遊僊沆海回

宿雲東庄留別

林扉月色傍溪開
拜棹平隄散趾來
乍入花間迷徑路
遙知雲處是池臺
春風秉燭休辭夜
旨酒如澆不盡杯
最是關人枝上鳥
一聲先送曉光催

送施居士謁禮齊雲巖

暮春三月落花風天路迢遙望不窮解道禪心本無
住持將如意即乘空泰清壇墀星辰上白嶽巖崖雲
漢中此去正逢鸞鶴侶名香靜禮玉宸宮

小溪隱居

鴛鴦湖西西版橋出郭移舟路不遙落花風起三春
杪新水門閒五柳條在藻儵魚濠濮想臨流蘭佩楚
人謠由來此地龍蛇窟每見波濤夜動搖

東風過澤上人北庄賞牡丹分高字

承歡恣賞不辭勞每得春風賜錦袍明月鏡中勻粉
澤露華臺上沐蘭膏新絃歌曲清平盛傾國聲名浴
下高夢裏紛華成漫迹十年尊酒向林臯

宿北庄枕上聽百舌

東風吹草碧含滋氣早春來鳥獨知巧語百般方選
樹殘聲幾度別更枝花明枕簟新晴後柳拂簾櫳欲
曙時唯有東山高卧者風光牽醉起偏遲

贈洞庭徐山人

徐生傲世託神僊員嶠今開湖水邊峯影如浮七十
二桃花爲度幾三千來乘柁楫歌明月去拂衣裾曳
紫煙縱是逢人輕白髮不將幻戲學童年

漠漠春雲暮不開
一番花雨過高臺
情知非是巫山
上夢裏分明薦枕來

新聲巧啖佐鸞觴
秉燭厭厭春夜長
一自迷花牽宿
醉至令衣袂有餘香
綺繡衾中百合薰
珊瑚枕上石榴文
相逢莫道無言
說一片春心持贈君

慵心不學世間妝
墮髻低鬟淡額黃
獨自含情臨曉
鏡一枝瓊樹碧溪傍

歌闌酒倦蕩芳辰
散作行雲度北津
但看相携行處
跡香風不動落花塵

詠雨中牡丹

春殘陰靄接氛氲
得雨名花更出羣
暮檻盡披新濯
錦朝臺故作不歸雲
光搖寶幘長含潤
涼浥僊衣併是芬
借問靚妝誰得似
一番膏沐帶餘醺

雨中宿澤上人禪房

逃禪嘗自愛緡經
止酒元非爲獨醒
林靜一簷花雨
墮山虛四壁暗雲停
心當會處如無語
坐向忘時已廢形
廿載共迷千里道
悠然相對一燈青

登煙雨樓

虛樓四面水滂潏
獨立中洲見遠山
日氣驟蒸新雨

後春風暗度落蕊間南連越海憑爲塹北控吳門侍
作關揜謂昇平多樂事臨高詞賦屬餘閒

煙雨樓贈別

鴛鴦湖上鴛鴦游風送鴛鴦水自流寧知洛浦肝腸
地正在湖南煙雨樓新柳依依牽別袂飛花片片逐
行舟莫辭今夕一杯酒他日相思欲幾秋

詠翠雲草

觸石一叢浮層層芳翠流本無出岫勢聊結空階幽
蒙茸鵝羽積綴點露珠稠蒼言逢采拾願上君王裘

再過日涉園

項穉集卷之二

十七

墨林山堂

讌賞耽山簡池臺擬習家低欄平瞰水懸壁仰看花
鳥語翻成曲林香散作霞接羅頰醉止歸路莫云賒
屠侍御報命便道省覲太夫人旋復還臺

漢家全盛兩都開周室偏稱柱下才鳴鳳樓前簪筆
待棲烏署裏避驄來鍾山王氣通南極太液恩波接
內臺方詠懷歸娛綵服遽承于役簡書催

送友之南雍秋試

文史三冬獨下帷賦成十載未云遲鷄山正闢招賢
館槐市今歌樂育詩池上鷄雛新拂羽月中桂子舊
攀枝彥常群從多才雋比次成名到白眉

天目山本中峯棲禪處有幻住菴歸異峻絕
蓋嘗神往焉古心和尚還慨然賦此

百丈丹梯凌紫霄千年法界闕玄雲空中峰學蹲獅
勢天上池開雙目文

泠泠風氣肅衣裳霽曉常飛六月霜正是塵勞逐煩
熱欲從淨域浥清涼

中峰宿草蔚離離幻住菴空小劫期見說水源長不
斷空聞松樹幾生枝

留宿玄覽堂得松字

芳屏花檻錦千重五月葵榴開正穠雨過林皋如洗
葉風來庭館似吟松鴛鴦湖淨常縈郭白水淵深已
躍龍長日不嫌多好事携舟載酒數相從

晝卧玄覽堂

閉門玄晏讀書牀綃帳筠簾淨葯房已覺日長爲化
國正憐人卧在義皇漁歌傍枕槐陰午雉雖連疇麥
氣涼旣醉緩歸城郭近一湖新水沆輕航

夏日燕集徐氏白鶴山房舊有香梓軒

高陽有會日追隨河朔餘酣暑不知已道尊醪清作
聖更看庭樹玉爲枝蘭分几席迎涼徙山近軒窓向
晚披猶憶舊來香梓處鶴鳴長繞着書帷

小五臺納涼

空山長日傍禪樓
逸徑花香草色迷
坐久不知雲雨散
一天涼月五臺西

詠楊梅

江南珍果孰稱名
唯有盤中赤玉英
豈是脩家元獨擅
由來章地本多生
炎崖借火丹初熟
綺樹非花實自成
不逐沉浮同紫李
却慙羞薦後朱櫻

詠白鹿

玄筭休應効金精
詎止戎荒擅昔名
欲變千年符景福
先呈七曜瑞
皇明西來御氣儼
人輦天上從

頌徽集卷之二

十九 墨林山堂

龍白王京喜見食萍承寵極
呦呦馴繞步虛聲

抱璞子曰鹿壽千歲滿五百歲則色白劉敬叔異苑曰鄱陽樂安獲一鹿兩角間有道家七星符

賦得七夕

筦簫婺女守河湄
秋風秋月正佳期
星駕還同携手願
錦機不識斷腸詩
宵留嫵婉今歡趣
曉去踟躕昨路遲
年年一度能相見
猶勝人間遠別離

閏月七夕

天空氣爽夜偏宜
月想容顏霞想帷
詎道七襄終跂望
載欣靈匹有同時
一回一見人常好
年去年來愛不移
但願河流清且淺
褰裳言涉易前期

同友夜坐

蘭草敷榮几幾叢新涼入夜碧山空
虛窓送雨茶磴細幽幌生明月色通
遲友每懷三逕跡寄情唯較一枰功
由來王子多佳興百里移舟向晚風

秋日雨中小集

優游相見重相親盡是高陽舊酒人
坐挹餘芬蘭在室心常自醉德為隣
林疎急雨催殘葉溪爽長風起白蘋
欸欸清談唯菽水莫辭三逕往來頻

秋夕同宋子二首

一見一踟躇臨風攬手祛疇比金蘭
契今為秋葉踈

項徵集卷之二

二

墨林山堂

孤燭且當秉清尊亦不虛
擘對良宵永不樂將何如
涼風動虛帷復此夜遲遲
鐙前一杯酒別後幾相思
蟋蟀傷遲暮靡蕪感故知
何須問踪跡但看鬢成絲

詠熟菱

願茲飄泊質承君嗜好勤方從南澗
采復自湯泉分嘉名託烹飪香氣借
氤氳特將充獻薦何用美萍芹

中秋詠月五臺

一天涼月瑩無痕萬里風煙淨海門
自玉成臺空色界黃金為地給孤園
儂莫應夜含香滿靈桂經秋落子繁
自是摩尼常皎潔願承光照濁波源

贈別方山人入天目

瀟瀟寒江落景催臨岐欲發更徘徊自緣數見成親
暱未道忘情任去來風尾歸舟如爲沮梅障別路故
先開向平婚嫁何時畢共爾南山剪草萊

再別方山人

山分天目對巔峴黃鵠西飛肅羽翰世外自應留戀
少人間終是別離難星辰拂几諸天近霜露侵衣六
月寒謔道尋山脚息影不知何竟得心安

元日雨中過姚叔信留宿

千頃澄陂杜若灘淵居今擬卧龍看盤花獻壽仍新
項嶽集卷之二

十一

墨林山堂

賞杯葉浮春只舊歡弱柳輕黃先待暖北風霏雨欲
辭寒停舟莫問天將晚秉燭應知與未闌

李子成冬溪西丘三釋友見過

瀹茗分泉當酒卮二三物外結幽期階蘭較晚芽方
茁庭草經新綠以滋簾箔麥寒風動處琴書梅潤雨
來時團欒爲示無生訣身世何須更卜疑

己未初度日簡諸友

黯黯低回落日邊壯心猶在朔風前器成溲落終何
用形比支離得自全蘭徑席門長謝掃書帷木榻不
知年客來莫咲楊華癖白髮從吾守太玄

初度示諸季弟得前字

諸謝無論阿大賢一門羣從盡翩翩正憐珠玉長盈側猶耻糠粃獨在前積雨空山投筆坐微風虛牖枕書眠衰遲奚用嗟淪落但以檇材獲歲年

奉祝長兄次前字

子京

王家文從本蟬聯間氣才名翰墨傳雅度逍遙形迹外高歌慨慷世紛前芝蘭迥發熏山酌棠棣相輝膜綺筵願指崗陵齊獻祝還將著述啓來賢

再過東禪寺

梵閣迢迢峻鬱盤丹梯百丈杳難攀行聞廣樂諸天

項嶽集卷之二

墨林山堂

上幻出蓮臺一水間玉榜平臨滄海日瑠窓下瞰洞

庭山

俯視洞庭諸山歷歷在其西

廿年俛仰成追憶薄晚徘徊未

擬還

芝溪

北看山色吳門接西望烟霏越甸長春水龍蛇深澤國暄風芝草徧溪塘行行曲渚青簾舫沉沉流波白羽觴正屬年光方駘蕩願同修楔樂無央

鴈湖

鴈湖名鴈雁常過葑葦平沙水自多鴈向日南踰紫極湖開天道接銀河雲霞影瀉明如綺日月光涵湛

不波信美終非游止地
翻飛其柰後時何

再過目瀾洲

丈室孤扉蕩漾間
浮沙斷渚一杯看
入林綠水移舟易
隔竹迷花出路難
天遠微微開島嶼
澤深深往往見波瀾
共憐窓外今宵月
猶是杯前舊日歡

夏日同友內涼五臺山

五層臺上舊登臨
雙樹林中白晝深
草色上階成翡翠
蓮花涌地作黃金
談披靜几能忘暑
坐對澄溪可瑩心
共爾且應歸緩緩
晚風良助一披襟

簡寄延平守陳子時聞海寇萬計圍福郡諸

瓊嶽集卷之二

二十三

墨林山堂

縣陷擒戎移駐延平
蓋扼據襟喉控制全

閩云

海壖群盜逼閩中
唯有延平據上封
飛羽徵兵屯萬騎
探泉出劍躍雙龍
驕陽成旱蕪為虐
炎氣如焚助舉烽
知爾共籌帷幄地
功成談笑日從容

夏日憶閩中新荔枝簡友

陳家新紫狀元緋
盡是當年入譜奇
味變不禁三日

外茶君謨作荔枝譜荔枝一日香變二日熟齊還待色變三日味變陳家紫狀元紅荔枝名

正陽時夏至日中荔枝翕然皆赤懸香一一攢丹實含液層層瑩

玉脂驛路風塵增想憶
君傳作畫圖披白樂天在忠州如舊

于則宰皆不谷但
畫荔枝圖與之

周子初得子志喜時子初春秋四十有六矣
振振嘗聞麟趾頌繩繩復詠夢熊詩若非峴島初生
王定是瑤林第一枝佳氣逢看成蔚郁啼聲先試識
英奇從今知幾丈夫子正過商瞿四十期

商瞿年長無子孔子謂其母曰毋憂
瞿四十後當有五丈夫子已而果然

夏日簡谷顧玄室往同玄室游白下既而各
言歸不見者于今廿年勿枉訊問聊爾酬

谷

貂表落魄倦游歸偃仰空林與世違車轍已辭蓬藿

項嶽集卷之二

二十四

墨林山堂

蓬炎氛不上芟荷衣薰風黃鳥時携酒白日玄經獨
掩扉唯有求羊元舊侶却嫌踪跡近來稀

初秋雙樹樓

初秋爽氣在南山更愛層樓霄漢間僧臘自同雙樹
長玄心應與片雲間杯中雪液凝寒碧石上空花雜
兩斑不是支公輕絕世常因玄度啓禪關

紫薇花俗名怕瘡花
花最久殆過百日

凝霞糝紫苑長條迤發旋開百日遙亦有紛榮連秘
省更多垂穎雜炎置向人不慣輕攀折含笑難禁善
動搖合使舜花相妬殺獨令繁豔不終朝

唐中書省植此
花種紫微省

齋東平廣文擢重慶別駕重慶周時巴蓐子
國巴水瀛山皆在焉賓渝俗善歌舞按左
思蜀都賦剛悍生其方風謠尚其武奮之
則賓旅說之則渝舞晉禮樂志賓人銳氣
善舞漢高祖樂其猛銳令樂府習之今巴
渝舞是也

峻壁重關天險全蓐君開國自周年行看巴水縈如
字巴水勢如巴字坐擁瀛山望若僊賓旅散歌夷徼外渝人
迎舞駟車前只今吏治緣儒術元是文翁教化先

頌徽集卷之二

十五 墨林山堂

吳秀東守靖州賦別

芙蓉江上使君行沅水渠陽古郡城五馬秋風千里
邁層軒晴日萬山迎甘棠有待歌南國召甫方將式
令名見說天涯迴鴈翼尺書迢遞若為情

九日友人見過晚集

早棲皆舊侶高興偶為羣持將黃菊酒對此南山雲
傾曦無畱景淡月有餘欣非關風落帽相見易成醺

夜集諸友

天清風氣涼密款敞蘭房但撫歡會促寧知秋夜長
叢菊旣堪把旨酒復盈觴與子共斟酌遲彼明月光

贈谷立子丘子善談命教授鄉間

軒車巧宦推年少丘壑風流重典刑劉峻不逢因辨
命伏生既老尚傳經南州昔表高賢里清漢今占處
士星佇看佳雛成鳳翥來儀率舞瑞虞庭

壽凌母從姑

十月誕辰

繡幕朱幃啓養堂翕然琴瑟儼分行歲鞋接穎芬蘭
蒞戲舞群雛逸鳳凰旨酒借春天尚援南山獻壽日
偏長吾宗宅相由來貴况是勤勞屬義方

晉虞潭事母定夫人孫氏立養

堂於家王導以下皆就拜謂

魏舒外家甯氏起宅相者曰當出
貴甥舒曰其為外氏成此宅相

頌徵集卷之一

三六

墨林山堂

絳緯

思婦夜眠遲一聽一含悲驚心偏着響抽緒不關絲
葉涼風乍急花暝露方滋誰能不惜緯秋色到空帷
琵琶

鬪伎當場獨擅先嘈嘈鐵撥動鴟弦蕭條塞草風偏

勁淒惋關山月不圓天際忽雷驚四座

忽雷琵琶名

水中

方響應千年于今聲譜皆零落棄置誰知大道邊

月夜過雙樹樓

裊裊飛樓直上千置身常在白雲端兩行修樹為龍
起一片青山作帶盤夜向分時逾覺靜月當高處倍

生寒儵然此意何人會獨倚南窓落葉殘

得飛燕穿桃柳

桃柳正宜春江南燕子新經桃織錦妾擗柳掠眉人
舞去撩香靄翻來亂綺塵若使昭陽見掌上妬輕身
庚申之春余將北游凡我同好咸有贈言遂

各用韻酬答且志別焉

同心蔚郁蕙蘭芬中路分歧散曉雲芳草關人萋以
綠春風緩袂暖如熏杯將別意終難盡絃切離聲不
忍聞還望空江夜明月迢遙千里正思君

行行別日慘無暉道路風塵舊客衣漸遠踰江隨橘

項嶽集卷之一

五

墨林山堂

化從高附翼學蠅飛山中覓訊憑瑤草夢裏懷歸遲
紫薇想爾移文仍獻請年過猶自未知非

北極羣龍擁帝居南州才雋擅文辭茂陵寂寞心

常渴郎署婆婆髻欲絲疏簡草成封禪久聖明恩

到珮環遲不知誰從甘泉祀遙望星辰拂絳旗

弱齡結綬志相要歲晚彈冠媿故交祗道心勞懸魏
闕徒聞戰勝隱蓬萊悲歌擊筑聊行酒落日驪駒已
在郊寄語中林同宿鳥南枝終戀舊時巢

粵弟

同行余然爾翩翩爾滯南州我向燕歸思不迷春草

夢離情無斷比流川一身聊寄雲同遠千里相望月
共圓鴛鴦劣為渠先道路黃金臺上正招賢
友于敦愛重相知南浦魂銷別在斯已分參商元異
迹應憐花萼本同枝窮途不為王孫食短鋏猶餘俠
烈姿慷慨自來輕聚散莫因情體共悲思

荅范業師

東辭故國三千里西望長安及五天交戰在心猶未
決獨行失路若為憐杏花一別春風遠梅信難憑候
鴈傳敬奉緒言何以荅書紳但擬得常懸

荅念上人

美嶽集卷之二

二十八

墨林山堂

支公駿馬舊馳馳贈我西行千里期見別不曾留愛
戀示心聊以託言辭玄珠罔象潛淵久喬木遷鴛出
谷遲為指蓬萊天上路遙看寶樹日邊枝
落魄長卿故倦游蕭然孤劍客梁州裁文謾道貧能
逐問術虛疑富可求吳會浮雲千里思上林飛鳥一
枝謀與君莫灑臨岐泣願儀慈航苦海陬

荅賈汝威

桂椒雜珮苞蘭紳會向明時乞薦身廿載貂裘羞計
術半生道路弊形神周京翼翼華盛漢闕煌煌制
度新盡道安仁無巧宦翻然皓髮遠辭親

春夜友人携觴五臺言別各占一物得蘭

幸謝無人境來依騷雅林馨香元比德攬結本同心
春日薰幽佩光風汎素琴一枝勞餽贈良以代兼金
荅張子伯咨

幾年于役滯留京燕道三千復爾行春日春山歌伐
木江花江草賦西征風前黃鳥時求侶天上張星但
憶名莫道揚朱頰有泣路岐南北沮同盟
天開周鎬壯重關地勢堯都百二間信是越吟懷故
主妄憑西咲指燕山櫪中伏驥唯留志鏡裏春花不
駐顏惟殺杉青隄上桺年年送別爲人攀

環徽集卷之二

五九

墨林山堂

荅澤上人

山遠江長鷓鴣鳴每依址極望瑤京布帆無恙乘風
利浦樹含情送客行影裏空華因妄得夢中意想逐
緣生從君彈指承雷記到處相隨皎月明
暗地投人知過稀本無才藻銜珠璣聞雞似欲臨風
舞望鳥應食近日飛馬首塵沙關外路天涯霜露客
邊衣緇林道侶勞相惜纔向行時已問歸

荅施居士

說法開堂道不孤蒲團隨意結跏趺蕭蕭鶴髮稱居
士灑灑蚪髭表丈夫爲待機圓承竹杖偶令聲悟得

茶爐此心自信無堅固惆悵分垂在末途

贈吳監軍

延陵豈是貴游姿慷慨雄才綺藻辭佐閫一時期展
略趨庭自昔得聞詩日邊王樹依台座花下鷄鷄遶
鳳池見說珥貂榮七葉何如簪笏盛當時

金山海嶽樓

碧殿朱樓縹緲中憑高能賦塊材雄千年王柱標龍
藏一朶青蓮出水宮岸隔楚吳山勢斷江分南北海
潮通猶言行樂無多地命棹將乘萬里風

贈王斗山

項徵集卷之一

二十一 墨林山堂

斗山聞在隴州西仰止芳聲北斗齊自昔賢才隨器
使甃時州郡且鸞棲踈簾坐嘯清風閣五馬行春綠
柳隄揜謂良哉二千石常將休息慰羣黎

贈徐州別駕張少松

褰帷專駕揜時英才雋如君更有名杜景前聞尉閩
越王祥今見佐彭城龍山比德相爲重泗水將心併
是清好播仁風入絃誦一時盡變楚歌聲

同鄉友戲馬臺眺賞

汴流泗水日交衝繚繞青山峻壁重湯說高臺曾戲
馬寧知大澤有飛龍千年雄鎮當西楚暇日歌筵屬

建封野色風花聊命酒天涯踪跡幾相逢

漢祖隱沛大澤陂
唐張建封鎮徐

雲龍山放鶴亭

他鄉杯酒慰交歡徙席雲龍意未闌雕檻上躋延曠
望羅衣新試逼高寒懸濤流沫將杯挹列壑羣峰作
障看醉後不須絲與竹一聲鳴鶴夕陽殘

自徐抵沛綠柳平隄浴鳧淺水頗類江南

遙遙楚甸曉遙征隴撫平原接沛城乳燕村扉楊葉
暗群鳧野市渚沙明夾溝水過流方潔謝牖波連岸
欲平風利樓船鉦鼓發揚帆如向越中行

項嶽集卷之二

三十一

墨林山堂

舟中見新月懷遠

水遠天長月復新此時一見最關人張敞淡眉初學
畫班姬紈扇未成輪不禁獨夜愁中望偏傍他鄉影
裏身光彩未堪盈手攬相思南北慰無因

為家姪題杏林春宴圖

名駒本出渥洼中自少驥騰氣已雄作賦直追江左
俊多才不讓竹林風柳條袍色無分綠杏蕊酣姿一
樣紅莫謂青霄難可到應知雲路舊相通

至都城首遘晤友人雨中留宿二首

命彼酒如泉促膝且流連飲分遽能爾故心良復然

燕市悲歌裏胡天擊筑邊一銜仍共榻夜短不成眠
並坐夜窓虛地遠即幽棲酒杯方戀戀風雨復凄凄
淡交元若水喜舞不關雞慙慰今宵夢無勞中路迷
寓靈濟宮徐參軍携酒見過

風慕玄真訪道家慙憑旅寄謝塵沙金光坐掇瑤階
草葆蓋間看海樹花闌苑千年連紫禁僊立終日秘
丹霞山公自醉成歡洽騎馬寧知去路賒

李北山尊榼相餉

廿載龍門羨李膺一時傾蓋澹忘形山常繞座淹幽
賞花似迎人咲獨醒日下梧桐棲鳳苑天邊簫管望
僊亭應知聚晤為萍跡媿向雲霄擬德星

項嶽集卷之二

三十一 墨林山堂

初至都別鄭子兼簡諸弟

相懽相惜故情長况是相逢在異方祇道風萍聊託
跡寧知越鳥復南翔青山短劒傷離別落日深杯歌
慨慷若見惠蓮應寄語塵容俗狀路塗傍

飲徐參軍夜歸二絕

花陰竹色引杯長促席虛亭過雨涼一曲醉中聞越
調土風猶自不能忘

不記花間醉酒歸但聞花氣細沾衣龍城夜半塵沙
淨灑灑涼風斷雨霏

馬子寓晚集

李固章縫彥相如侍從班偶成河朔會
翫喜鳳鸞攀
蘭靄澄幽谷雲陰澹晚山相看心自醉不在酒杯間
簡贈馬生

詞賦在甘泉唯
有子雲賢鳳池羣佩集龍御五雲懸
授簡承西直徵文格上玄錫登雖普及賜錦孰能先
簡贈李于

卿署列僊宮清華大隱同山川常不廢賢聖復時中
論劇群葩燦神期千里通知君
聊攝士終有象連風

贈別中表

項嶽集卷之二

三十三

墨林山堂

適從故鄉來遽作他鄉別本是同讎飛一旦分行列
涼風動南枝寸心幾摧折之子駕言邁羈人傷寂滅
懷中千金劍棄捐三尺鐵光彩在淬拂猶足用割裂
馳驅勿復道音聲慰離絕

倪中翰以詩見貽

風前花下卽幽期杯酒楸枰遲所思周代漆園容傲
吏漢官僊署羨題詩天臨北極瞻猶咫尺雲傍西山意
每遲共道鳳毛今復覩蚤承恩寵繼綸絲

晚涼雨散對友

一雨散炎蒸清香繞座疑紙牀常戒錫筠箔僅辭蠅

人遠塵氛斷山空露景澄且須停爾酌聊以曲吾肱
同友夜飲陳子忠兼贈歌者

愛飲陳遵客滿堂金蘭玉樹映芬芳持將北斗成杯
杓挹取銀河作酒漿

唇吐流珠字字直接成詞譜一番新曲終免使周郎
顧自是當筵絕世人

蓮華朵朵自然香盡道風流似六郎今日將花來並
比輸他一曲斷人腸

燕京詞二首

重隄夾御溝大道起層樓浪是風塵湧人將陸海游

項嶽集卷之二

三十四

墨林山堂

雲臺馳冀足月館醉吳謳但道歡難極寧知歲易過
僊館抗雲披歌筵暑不知冰寒旅作水扇拂即成吹

新鞞擇高蔭黃鳥度深枝豪華多樂事偏與日長宜

沈子謁徐相公至都寓止接比往來款密遽

爾告別滄焉傷懷岐路秋風短歌當泣云

耳

閣開東第盛平津臺築黃金正禮賓忽覩商風驚木
葉不禁秋思動鱸尊僊楂度海依南斗魏闕懸雲望

址辰羨爾竟能懷壁去嗟余亦是倦游人

入豈感七夕李子席上

帝京樂事歲時豐綺席針樓處處同
七英僊冀迎夜月一枝梧葉報秋風
人間巧術從誰乞天上佳期有路通
且就東山投轄飲莫令北海酒尊空

又得星字是日飲內酒

西山龍繞鬱葱青咫尺樓臺舞鳳形
正喜月筵當七夕待看天漢度雙星
大官羞膳偏多異內署醇醪不易醒
促坐厭厭忘夜久露華香靄散空庭

沈子還吳淞徐相公賦詩寵行沈子請余次

其韻

久知開閣待已復下牀留恭承堂後讌
密預幄中謀

項徵集卷之二

三十五

墨林山堂

綉戀今茲服貂悲故歲表不因干祿養何事遠行游

同李子諸賢會友人寓席半出紫磁杯浮以

酬酢李子一舉盡飲欣然命之曰紫霞杯

於是客各分韻成詠得前字

璫璃元自脆白玉亦非堅
啜土從龐古陶河出舜年
良工藉埏埴大化荷鈞甄
燁燁流霞紫錚錚昆石玄
虛中能受益規範本從天
媿彼無當棄伊予守黑全
莫浮甘若醴常挹淡如泉
胥樂更酬後無荒式讌前
謬承君子列來壽鹿鳴筵

庚申秋八月同諸友過碧雲山房二首

天咫瞻京室山遙接太行雲陰深碧殿爽氣蕭虛堂
沼沚浮蓮淨松風引梵長塵勞聊脫鞅晏息翫聞香
窈窕躋苔磴巘巘啓石房竹深常蔚翠花雜遍生芳
臨沼因思濯綠流且汎觴山林元習氣貪賞未能忘
留宿碧雲二首

佳麗開金地虛無入化城巘崖禪榻迥星漢夜窓明
棲羽枝邊影飛泉枕上聲無端不成寐起看曉雲生
寥寥澄佛宇炯炯証初心但使證無盡寧知夜已深
松濤流峻壁澗溜激空林轉覺荷衣薄山高露氣侵
臘月宿弘仁橋任羽士道官四絕句

項徵集卷之二

三十六

墨林山堂

石橋砂塢抱澄灣菌閣芝房日自閒
市由來樓大隱何須避地買青山

山空溪凍夜霜濃寒逼衾裯不覺重
一枕邯鄲孤客夢半窓殘月五更鍾

山家飯客進雕胡酒出青田不用沽
夜靜空林分木榻天寒重幕對然爐

日薄西山馬蹙停相將蓐食遲辰星
殷勤雅愛籠鷲士安得焚香寫道經

曉度雙橋

平砂蕭邈野煙凝遠樹蒼茫日欲升
雙石橋邊聊飲

馬纜看流水已堅冰

枯楊宿莽亘長坡雪厚冰連不辨河昨夜月黃雙抱
珥颺風偏向日高多

蕃育署臘月初八日署官循南北路行謂之
看冰池各營長率戶民迎拜池側設坐然
薪呈報民數檢視迄乃次第歷他營亦如
之問之長老云永樂間舊例欲令臘水澡
濯鶯鴨則壯長易孳生理或然也然弗載
典制莫可攷見聊書其事云

白楊砂磧各分營日照水開池水清鶯鴨幾羣相競

項嶽集卷之二

三十七

墨林山堂

逐一番歲事屬嘉平

聖明惠澤普無私欲問堯民不自知但道年年臘月
日拜迎官長看冰池

雪中南署簡友

林木蕭疎官署寬滿庭積雪卧袁安未明書牖先通
白欲敝貂裘不耐寒沙漠重雲人獨遠天涯雙鬢歲
將殫郢中亦有高歌客古調于今和者難

夜至十八里屯稍憩玉峯禪房雞鳴遂復行
至左安門漏下四更

荒屯何處叩禪房疎柳枯槐覆短墻風灶細炊秣米

白雪盤香薦菜芽黃歲窮逝疑翻空速意倦征塗轉
更長斲假蒲團方偃息聞雞顛倒攬衣裳

辛酉新正三日吳次仲過王河寓中畱信宿

賦喜

小窓孤燭帝城陰夜促歡多酒正深卒歲綈袍逢舊
侶春風瑤軫入南音橋連溝水流難盡地近天街冷
易侵卧爾下牀成信宿元龍湖海本同心

首春同友對雪

鶯塵湫隘寄吾廬門掩蕭條獨晏如東郭先生時步
趾文園散吏日閒居杯香動盪春開酌窓色通明雪
映書身世流萍隨所適不知又是一年初

韻獄集卷之二

三十八

墨林山堂

正月既望同曹子游南山還夜過東城道官

命酒遲月遂復聯騎遵王河歷馳道迤邐
而西于時影燈火樹金耀朱輝麗服靚粧
肩摩踵繼誠太平盛事上都樂土也曹子
倚馬占詞倡茲八韻屬余同游倚和二首

西麓方春賞東城復夜過月明金作闕水繞玉為河
鄉澤游姬擁春風舞袖多太平行樂盛燈火醉笙歌
容與香車度翱翔珠履來花然千燄吐燈映九光開
子夜多情月陽春寡和才動將歌與舞隨興且遲回

上元燈辭

丹闕玄宮瑞氣浮
天花散滿鳳凰州
西涼見說開元
事不及道遙此夜游

百寶攢花五色新
珊瑚成樹萬年春
雲軒斲下西王
母月殿親迎太乙神

三山窈轉遞相通
一道虹橋海子中
縹緲夜深天樂
度月明偏照集僊宮

鰲頭燈火駕金山
望裏僊人不可攀
誰道去天才尺
五欲飛知隔幾重關

長安東市萬燈陳
鏤玉綠珠錯寶珍
莫論百千酬善
價大家競取一時新

項徵集卷之二

三十九

墨林山堂

貴介豪奢愛月來
携歌逐舞雜塵埃
持將玉笋逢人
勸更取金花借火開

雲母圍屏寶炬然
屏中花影太翩妍
乍看誤道分明
是轉近方知隔兩邊

月榭燈樓夜夜春
新粧炫服踏橋人
長安大道平如
砥一片香風起暗塵

清明過沙河是夕宿昌平僧房

桺條新綠繞沙河
強半春光客裏過
遙憶江南寒食
候淡風輕暖落花多

日暮空林鍾磬清逢僧自咲拂塵纓蒲團寂寂春宵
未獨捲疎簾對月明

三月望玉河館夜集

簡帙圍棋雜座隅慙因休暇取歡娛春風夜夜吹燕
月芳草年年滯朔途上苑鷓鴣新得侶高陽杯酒舊
為徒亦知沉飲非荒晏盡是當今賜大酺

東園詩為張錦衣作

桓桓將帥本才良選勝開園擬辟疆漢樹累朝留勩
績秦松奕世美封章日華駘蕩連蓬島景色氛氳接
上方不是太平常偃武豈能山水日徜徉

項徵集卷之

四十一

墨莊山堂

西署同友憩止大成菴

遽廬隨地寄行踪不是官曹即梵宮松院夜深臨牖
月果園春晚落花風一杯共語方傾蓋千里孤懷任
轉蓬荒野去人滋覺遠楚然音慰聞寥中

西署邂逅越友出南酒紫菜海鰕鄉物惟錯

令人有懷歸之感

索居相慰傾南酒同客相憐對越吟鰕菜不忘湖海
味冠裳如繫鹿麋心風砂近夏成埃鬱果木經春長
綠陰悵望西山惟咫尺幾時携屐縱登臨

平坡寺臨眺寺肇建自唐觀音像猶存迨我

宣廟勅賜名圓通又名翠微聿新臺殿宏敞
壯麗入門雙樹挺立殆逾百尺懸旛表剎
若天成竿柱焉

翠微臺殿敞春晴客到先聞鍾磬鳴雲裏盤龍山百
轉空中表剎樹雙成莊嚴唐代留遺相宏麗 宣朝
特賜名絕頂更躋霄漢上氤氳佳氣近瑤京

李子自燕還維揚秋將南試

潞河南下是通津千里維揚控海濱題柱待看乘駟
客出關先識棄繻人龍樓獨步君臣寵鳳治雙飛父
子親見說邠林多桂樹秋風又是一枝新

項徵集卷之二

四十一

墨林山堂

暇日過嘉蔬寮長呂冰溪談詩良久乃較奕

命酒作餅餐夫北地固善餅而白潔柔薄
圓整層疊未有若冰溪家者余每噉輒不

能休然冰溪以此多致客蓋美好之累耶
閒寮燕喜洽交盥酒挹水壺旨且清春餅薄疑綿繭
紙時蔬美勝翠瓊英操觚命賦能通諷闕智圍棋亦
寓兵莫謂 清朝無建白文園別墅盡儒生

和吳次仲晚酌

燕昭舊事禮賢才棗輦咸聞郭隗來盡道相隨爭抱
璞不知若箇復登臺青山吳會家千里落日都門酒

一杯白眼乘酣多慷慨狂歌隨處且塵埃

夏夜過湯銀臺寓適友至

朔方長夏似炎洲溽氣蒸霞鬱未收觸熱莫朝頓過

客晉程曉嶼他鄉偏戀舊交游中天北斗瞻應近

牖南薰坐轉幽水李寒瓜將進酒夜深欲去且須留

夏日與姚洞陽晤飲

閉戶荒階草欲平官閒長日寡逢迎濯枝雨過塵沙

淨解愜風生坐簟清北闕直侵霄漢起西山遙帶

夕陽明何人會識新豐客邸舍相逢酒共傾

子聲弟得告還送至深溝作

頌徵集卷之二

四二

墨林山堂

伊余無特操歟然遠行游彈冠俟所知世路何悠悠

凡今款曲深莫如友于儔嚶鳴相應和顧念復綢繆

如何聚難常一旦生離憂赫曦爍丹崗炎颯起荒疇

奔車無緩轍深溝有急流岐路恒足悲兄弟夫何尤

余本懷歸與况乃獨羈留持此蒲柳姿焉俟桑榆收

薄祿辛相逮余簪良可抽子其保爾軀勗哉嗣前修

初秋飲倪生夜涼徙席

秉燭深杯慰旅懷醉中婉孌失形骸砢聲內苑秋偏

早爽氣西山晚更佳樹引涼颿披畫檻花鬣香霧氤

重階山公歸去能騎馬塵淨沙平十二街

楊柳郊原游騎來蓮花沼止水亭開章縫恣是三異
彥辭賦真同七子才咲裏歌聲隨畫艇醉中山色在
高臺應知聚散恒難定莫待殘陽促酒杯

二塘詩

錦甸逶迤並海陬平川沃蕩抱城流蓮香夾浦分雙
岸近塘有白蓮寺風風州樹色圍沙匝一洲水借銀潢龍自躍

地連丹穴鳳長游請看邁往從風便為有飛虹百丈
浮

同友再過西山止宿碧雲寺

頌獄卷之二

四三

墨林中

接離匹馬越郊丘咲殺山公好出游 帝里湖山千

劫會雲林杯酒兩年秋客歲亦以八月游此清池碧藻知魚樂

曲磻蒼苔玩水流况是相歡屬親故却疑修禊在南

洲

雲為翠幘石為房靜裏方知秋夜長月色千峯天籟
寂泉聲一枕夢魂涼倦將棲息依珠樹定作跏趺對
寶香本是逃禪謝靈運翻從末路濫冠裳

伯兄少嶽先生詩集敘

仲弟篤壽謹撰

相古陶唐慶流姬氏兄弟之國五十餘人乃有
肇封于項居遠之西者焉由茲以降鮮不得與
斯文澤及苗裔故七齡天授蔚為聖師睿論收
達菴之章春秋列世本之盛其源遠矣自齊人
構難尋徙洛陽司徒策勲于漢庭刺史樹猷于
晉室居江陵者以雄詞推守婺州者以循良著
中丞二難休顯于唐學士兩葉修詞于宋文獻
項嶽詩集序

一 墨林山堂

中原亦代有聞矣自洛京失守皇輿播遷評事
兄弟扈蹕而南族居既異派流遂殊員外益衍
紹興之傳侍御萃開山陰之統嘉興之有項自
評事始也吾祖八一公博雅有文篤生廉訪累
世名德為勝國冠冕迨入

皇朝先襄毅以文學振家聲以武功戡國難箕
裘簪組代不乏人而文苑儒林亦寥寥鮮託矣
自昔王氏以七葉重光侈談後世劉宗以聯華
濟美獨步當年然則不墜人文光我先業者其

在斯乎非吾伯兄疇能當之哉伯兄名淇字子
瞻別號少嶽山人弱負奇表長蜚令聞藝綜衆
長學該羣典始以庭趨習舉子業非其好也久
之不售遂復棄去學古文詞尤嗜為詩大約以
昔之比興就今之轂律涵詠風騷憲章鮑謝而
雅情冲融逸思奔蕪咸天真獨得非師資所獎
時有舞雩詠歸金谷交會曲水倚襖南浦愴別
莫不織密竒秀度越群倫兼之楷法妍媚草聖
尤工每詠一物賦一景毫墨未乾傳誦已徧膾

項嶽詩集序

二果林山堂

炙人人固盛年已然矣中歲薄游京國推轂皆
當代賢豪而拙宦不遭浩然有尊鱸之想間有
抑鬱之意託于諷旨寄孤憤于寓言懷隱憂于
餘緒豈其情見于辭者乎既而宅憂來歸遂厭
棄生產日與朋儕舊好及我二三兄弟結社為
歡座客常滿尊俎不虛載酒問竒者夜以繼日
江左風流建安雅致莫之能尚矣時吟壇所集
皆南國詞英尤慎許可獨於吾兄咸推讓焉迨
乎晚年脫落塵滓鴻漸甘紛割棄親愛蟬蛻物

外逍遙于桃李之墟寤寐于長水之曲蓬門
戶僅庇風雨山僧釣叟日與往還時有竹溪空
庭雪淨禪室境捐俗染坐對天涯酌浮沫啣素
杯甘茗代醪名香設供寫情摹景必於斯文則
又思入杳冥歸之雅淡滋液瓊瑤之朗潤冲虛
蓬海之清奇解境成文因文變象至于闡明玄
理則妙契真如總一旨趣則頓開心鏡折繁音
于孤韻貫清濟于洪流非其然者與季弟子京
與兄同稟學詩之訓有交修之助麗藻競爽名

項嶽詩集序

三 墨林山堂

稱相亞方冀同聲互應以卒舊業而昊天降割
不我愁遺季弟時旣免喪懼遺文之墜于地也
爰與基恒梧徵四子彙次成編付之梓人惟兄
卓思不群分韻揮毫隨手應去故所存者鮮今
之掇拾才十有二三諸他論撰體裁稍備存亦
無幾顧篤壽牆而不能言詩于京謂我當叙之
首簡義固難辭也感悼音容惻覽華藻珠玉綴
錯清冷自飄雖無片言可以屬和而次第諸篇
皆素所狎聞泫然涕下不能自收爰述先人俾

知所始傳之都邑庶幾不忝若乃表章潛德印
訂珍編俟諸大方吾則豈敢萬曆乙亥元旦書
于寶墨山居之蘭室



項少徽詩集序

四墨林山堂



與幾顧寫毒播而不能
于寶墨山居之蘭室
悼音容惻然華藻珠玉綴
詩餘辭并謝天衣吾恨豈敢萬曆乙亥元旦書
味併故翰文滋出無幾不忝若乃表章潛德印



